



HARANGVE PAR LA NOBLESSE * PARIS, 1574











944.02

N254d

1574

R.B. 14





LA
HARANGVE
PAR LA NOBLESSE
DE TOVTE LA FRANCE,
faite au Roy Tres-Chre-
stien Charles I X.
sur l'Estat de ce
Royaume.

Temps passé non plus



A PARIS,
Pour François Tabert, Librai-
re, tenant sa boutique sur
le pont aux Musniers.

M. D. LXXIIII.


*Massacre of St Bartholomew
was Aug 24 1572.*

157864 P



LA
H A R A N G V E
DE PAR LA NOBLES-
SE DE TOVTE LA FRAN-
ce, faite au Roy tres-chre-
stiē Charles neufiesme
sur l'Estat de ce
Royaume.



IRE, DIEV tout-puissāt & éternel est le vray Roy, non seulement dela terre, mais de tout vniuersellemēt. Qui a créé & disposé chacune chose en son ordre: & y a constitué vn

1. Cor. 28.
1. Reg. 3.
Paralipo. 1.
Sag. 6. 9.
Ecclesia. 9.
Iosué 12.
Daniel. 4.
Psal. 2. 136.
Luc. 22.
Roma. 13.
Act. 4.
Genes. 1.
Psal. 136.

H A R A N G V E D E

*Platon au
critic. & du
regne.*

Plutarque.

*Deuter. 17.
Jerem. 29.*

chef & conducteur, comme vn
seul Soleil au ciel. Et pour quel-
que representation de sa gran-
deur & diuinité, il a establi sur
le peuple les Rois tres-bons &
tres-puissans : bons pour bien
faire à tous : & puissans, pour
chastier les meschans: dont an-
ciennement estoient nommez
compagnons des Dieux, & en-
fans de Iupiter, ce que disoit
Vespasian ordonnez fatalle-
ment, & pour difference des
autres hommes. En l'escripture
saincte sont nōmez Anges de
Dieu, ou Dieux secondaires,
ou lieutenans de Dieu, execu-
teurs de sa volonté, & con-
seruateurs de ses tres-sainctes
Loix, pour la prosperité des-
quels naturels du royaume, fut
commandé aux enfans d'Israël

de prier Dieu : à eux , le peuple
se doit rendre suget comme au
souuerain : & aux Princes &
gouuerneurs, entant qu'ils sont
commis & auouez des Rois,
qui ont toute puissance. Ainsi
nous Frâçois vos treshumbles
& trespobeïssans sugets, vous re-
connoissons pour nostre natu-
rel roy & souuerain seigneur : &
vous supplions d'auoir pour a-
greable l'obeïssance & fidelité
de ceste Noblesse , qui veut &
desire fermemēt vous seruir, o-
beïr, suruenir à vos affaires &
employer ses biens & perlon-
nes par vostre commandemēt.

SIRE, puis que vos ieunes-
ans n'ont peu bonnement per-
mettre que vous seul entre-
prin siez la charge de tant d'af-
faires qui vous ont suruenu

*S. Pierre. 1.
chap. 2.*

1. Thimoth.

2.

Tit. 3.

Sapience 6.

Roma. 12.

Et 13.

Ephes. 6.

HARANGVE DE

*Plutarque
en la vie de
Alexandre.
Olimpie me-
re d'Alexā
dre.*

*Annales de
France.*

Nous approuuons de tout no-
stre pouuoir, qu'à l'exemple
d'Alexandre si grād Empereur,
vous ayez employé vostre tres-
illustre & tres-vertueuse me-
re, la Royne, non seulement
à vostre garde, ainsi que mada-
me Anne à celle du Roy Char-
les huitiesme, son frere, mais
aussi au gouuernement de vos
affaires. Pareillement approu-
uons & louions qu'à vostre con-
seil ayez appellé le Roy de Na-
uarre, & autres Princes de vo-
stre sang, qui naturellement
sont affectionnez & enclins à
la conseruation, augmentation
& prosperité de vostre Royau-
me, lequel pour bien admini-
strer, ne pouuiez faire meilleu-
re election, que de tels Princes

& Seigneurs, de long temps experimentez, par qui vostre Noblesse reçoit plus volütiers vos commandemēs, en quoy nous semble veoir l'Empereur Auguste, qui employa en son conseil Agrippa & Mecenne : l'un pour la defence de son pays, & l'autre, pour le maintenir en paix, tellement, que nous esperons vne tranquillité vniuerselle, & que vous Sire, ainsi par eux instruit, nous representerez la grandeur non seulement d'un Charles huitiesme, ou Philippe le conquerant, ou saint Loys, qui à douze ans ou environ, furent Rois : mais un Alexandre, & en prudence un Salomon, qui en bas aage commencerent à regner. Le peuple

*Roboam con-
grent sa fau-
te pour n'a-
voir creu au
conseil des an-
ciens.*

1. Reg. 12.

2. Chro. 12.

*Dio & Sue-
tone au 16.*

25. 29. 66.

*72. de la vie
d'Auguste.*

*Annales de
France.*

*Plutarque
en la vie de
Alexandre.*

*Rois environ
16. ans.*

HARANGVE DE

1. Reg. 2. 3.

Matth. 6.

Sag. 7.

Eccle. 37.

Pluta q^{ue}

de Traian.

Prouerb. 2.

Isocrate à

Nicocle.

Annales de

France.

desia craignoit Salomon . le
voyant en sa ieunesse si sage : &
pource qu'il nous aduertit que
le conseil du roy est le cuer
du roy, c'est à dire l'aduis & de-
liberation de son conseil: nous
trouuons bonne son opinion,
avec celle de ceux qui diēt qu'à
vn Roy il faut eslire des amis
pour entendre ses affaires: tels
toutesfois que le Prince mes-
me en puisse respondre, & non
ceux qui la pluspart inclinans à
leur bien, en font leur profit au
dommage du Roy qui les a em-
ployez: ainsi qu'en France vou-
lurent faire Eude & Chiderich,
& qui pis est en l'empire mater-
ne & Cleādre Frigien, lesquels
apres auoir cōgneu les affaires
se voulurent malicieusement
faire

se voulurēt malicieusement faire Empereurs & conspirerent *Herodians.* la mort de Cōmode leur maître. Ce qui ne sera iamais trouué estrange entre ceux qui sçauēt bien qu'il est difficile à personnes qui cherchent tant leur proufit de satisfaire à leur honneur.

*Pronerb. 3.
& 17.
Psalm. 73.
Aristote 2.
Politi. 3. &
10.*

Sire, ie vous feray entendre les doleances de nostre estat, apres que briefuement ie vous auray discouru dōt il est venu. Les Nobles ont esté ordonnez de Dieu, pour la fidelité & obeissāce de leurs Rois & la defence de leurs subiets. Dont disoit Iob, qu'il estoit craint comme vn Roy : & en la republique des Israēlites furent instituez septāte des Nobles & plus

*2. S. Pierre
& à loy si.
de fide instr.
aux ff. &
sur la distin.
40. caueant
illud &c.
Iob. 29. 30.
31.
Exod. 18.
Dent. 1.*

HARANGVE DE

vertueux pour estre la force de
tout leur pays : & ne se trouue
deuant les ceremonies des sa-

Tite Liue au

1.

Aristote au

2. des Polit.

chapit. 4. &

Platon par-

lant de la re-

publique de

Socrate.

crificateurs Caldees, & de Nu-
ma, qu'en la Republique y eust
autre estat que celuy de la No-
blesse & des Artisans : & mes-
me Romule n'en fait que deux,

puis adioustales cēt Senateurs :
& nous semble voir le corps hu-
main, où n'y a que deux par-
ties principales, la teste qui
nous represente le Roy, & le
cueur qui est la partie noble :
desquelles si l'un ou l'autre est
blessee, il n'est possible que l'hō-
me puisse plus viure ou estre à

Deuteron. 1.

son aise. Pareillement au ciel,
le Soleil & la Lune nous repre-
sentent le Roy & la Noblesse,
tellement que quand aduient

éclipse d'entre eux, toute la terre en demeure obscure. Si le Roy ne s'accorde avec ses Nobles, ce ne seront que troubles & séditions, & quād il les maintient, ils le defendent, conser-
 uent, & sont tousiours les premiers à son secours : comme l'on dit vulgairement, Que le bon sang court tousiours à la partie blessée, à ceste cause les Nobles par toutes republiques ont esté à iamais authorisez par grans priuileges d'armes, & habits, que les autres n'oloyent porter, mesmes parmy les Thra-
 ces le gentil-homme seul alloit à cheual, & à Romme, les femmes des Nobles alloyent en litières. Les Rois vos predecesseurs par leurs ordonnances,

1. Paral. 23.

1. Reg. 1.

Alexandra

d'Alexan.

5. liure, ch. 19.

H A R A N G V E D E

ont continué si longuement à les y maintenir , que le gentil-homme a esté ainsi cõgneu, prisé & honnoré. Ce que plusieurs des autres estats ont voulu ensuiure, souz couleur, que deux grãds Philosophes ont fait quatre parties de la Noblesse : les vns pour estre fils des Nobles : les autres pour estre potentats & grãs en l'administration des republicques : les autres pour s'estre exposez au hazard de la guerre, & y auoir acquis quelque tiltre de Capitaines : & les derniers pour auoir inuenté quelque art ou discipline : mais ceux des trois parties en abusant ainsi, ont esté cause d'un desordre & miserable melleage entre le peuple : & de grãde per-

*Platon en sa
republiq. &
Aristote au
3. des Poli.
chap. 10. 11.
& au 4. ch.
3.*

*Aristote en
son 2. 3. des
Politi.*

te au roy de son reuenu: desirât
chacun à s'affranchir, cōme fils
estoyēt gentils-hōmes de nom
& d'armes. Vn autre mal est ad-
uenu sur l'estat de la Noblesse,
& nous semble que nos prede-
cesseurs en ont esté cause, ainsi
que celuy qui a fait le trait, du-
quel apres a esté blessé ou tué,
c'est qu'eux voyans le grād ze-
le de leurs rois Childebert, Pepin,
Lois vii. Dagobert, S. Lois, Ro-
bert, Philipès le Bel, Charlemai-
gne, Philipès de valois, & autres
à l'augmētation de la religiō de
Iesus-Christ: qui à iuste cause
ont remis les Papes en leur sie-
ge & fait bastir tant d'Eglises &
Monasteres, dont le nom vous
est demeuré de roy tres-chre-
stien: que les Nobles ont fait le

*Annales de
France.*

*Le semblable
est écrit caus.
23. q. 3. ch.
Maximilia-
nus, & cha.
ab Imperato-
ribus, & tou-
chât les Prin-
ces.*

HARANGVE DE

Act. 23. & S. August. à Demetrie en la caus. 23. q. 5. chapit. Principes Regum administrator. & au fest. grandi non immerito, de suppl. neg. prala. au ch. his à quibus. Caus. 23. q. 2. 4. 8. aux chap. Cleri. De epis. Sentent. Decret. 3. tit. 5. cha. novimus, li. 5. tit. 40. de ver. signi. ch. at si clerici.

semblable selon leur pouuoir, & ont donné tant de biens à l'eglise, qu'ils ont ruiné & dissipé nos patrimoines, & qui pis est, leur ont baillé la Iustice: dont la plus-part en abuse tellement, que le gentil-homme en est si persecuté & chiquané, qu'y ayant encores employé le reste du sien, il se trouue en arriere, & n'a moyen promptement comme il voudroit, venir à vostre mandement, pour vous faire le seruice qu'il vous doit. Mais qu'est-il besoing de bailler l'exercice de la Iustice à l'eglise, puis qu'elle n'ayant les mains sanglantes ne peut faire l'execution? Il faut que le prestre regarde à son estat, qui est de prier Dieu, & non qu'il cou-

Tit. 1. & S. Hiero. sur ce chap. & S. Gregoire au

re le long des ruës pour solliciter, qu'il s'entremesle & embroille des affaires temporelles & du monde, qu'il ne soit scandale ou fable au peuple, & n'entrepreneignent les querelles, au lieu de chercher & moyenner la paix. Il se doit contenter du revenu pour son entretenement, le prestre doit faire son deuoir, pour la charge qu'il à prise, de prier Dieu, prescher, enseigner, & administrer les autres, comme lumiere & sel de la terre: quand il feroit au contraire & oubliëroit sa charge, le Roy y doit employer la main de sa iustice, & y faire prouuoir à l'imitation d'Hezechie Roy, qui mist ordre aux Euesques, aux prestres & Diacres du temple,

chapit. in S.

R. Ecclesia.

distinct. 92.

1. Thimoth.

3. 5. Matth.

28. Mar. 16.

Lu. 24. Ioã.

20. Esa. 56.

Ierem. 6.

H A R A N G V E D E

Matth. 5.

Marc. 6.

Luc 14.

8. quest. 1.

*chap. si igi-
tur.*

2. Paral. 31.

*Annales de
France.*

& ordōna prouision pour ceux
là qui vaqueroient à la lecture
de l'escripture sainte. Vos pre-
decesseurs aussi le roy Charles
septiesme, par l'assemblee qu'il
fist faire à Bourges de l'Eglise
Gallicane, & le roy Loys vn-
ziesme, en vostre ville d'Or-
leans, touchant la Pragmatic-
que Sanction se mirent en ce
deuoir, si bien que nous trou-
uons que Philippes le conquere-
rant, n'a esté plus loué d'auoir
banny les Iuifs de son royau-
me, & fait la guerre aux Albi-
geois, n'y Loys sixiesme, pour
auoir secouru les Papes Gelas,
& Pascal contre l'Empereur
Henry, que l'on admire Char-
lemaigne & son fils Loys de-
bonnaire, que l'on reuere Con-
stantin,

stantin, & Guillaume Duc de Normandie, non tant pour auoir fait bastir des Eglises, qu'auoir reformé l'estat de prestri-
 se, d'autant que ceux qui ont la charge des ames & choses spirituelles, il faut aussi que soyent personnes dignes de l'estat, & comme disoyent Constantin & Constans fils à Constantin, qu'ils ayent bonne ame comme ministres de Iesus-Christ, & dispensiers des ministres de Dieu. Le reiglement des Prestres, Sire, se peut faire, quand les contraindrez tous sans nul exempter, de resider sur leurs benefices : ainsi que desia par plusieurs de vos ordonnances & edicts leur a esté commandé, & là ils communiqueront

1. Paral. 9.

1. Tim. 3.

Tit. 1.

Enlacaw. 23

q. 8. chapit.

Et à la dist.

40. chapit.

multisacerdo-

tes. Et en la

distinct. 36.

chap. oportet

Et illitera-

tos.

1. Cor. 4.

Et au traité

de pénitencia,

distin. 1. cha.

conuertimini

ad me, Et en

la cause 23

q. 4. chap.

Nabuchodo-

nosor.

HARANGVE DE

le bien des Eglises, aux pauvres,
 & se mettront en deuoir de fai-
 re leur estat de prescher, telle
 reformation aussi sera loüable
 & digne de Roy tres-chrestien
 quand presenterez les benefi-
 ces à personnes capables: suiuañt
 les arrests des Concilles & de
 la tres-saincte Eglise catholi-
 que, si au contraire les bailliez,
 vous remettriez vos sugets en
 plus grand trouble, abus, & i-
 gnorance que iamais, d'autant
 qu'ils ne pourroyent estre bien
 instruiets pour le deuoir qu'ils
 ont à leur salut & l'obeissance
 qu'ils doiuent à vostre maiesté,
 & vous Sire en pourriez estre
 enuers Dieu responsable, qui
 s'en pourroit offencer, tout
 ainsi que l'on lit de Theodo-

1. Paral. 23.

1. Reg. 1.

2. Paral. 17.

1. Para. 24.

1. S. Pier. 2.

Iob. 4.

Genes. 7. 19.

Nume. 21.

& S. Inde-

& 2. de Pa,

ralip. 29.

1. Reg. 14.

rich & Theodebert, qui moururent miserablement, pource qu'ils commencerent à bailler leurs benefices par faueur, par argent, ou par amis, & si seroit delaisser la principale partie de vostre estat, qui est d'estre equitable, & faire iustice à tous: car il n'est assez à vn Roy d'estre bon fil ne profite à ses sugets, & s'il ne veut entendre leurs plainctes pour y remedier, comme faisoit Otho, ce qui l'esleua à l'Empire: & depuis qu'il fut Empereur, il estoit si diligent à l'entretenir en paix par iustice, qu'il ne permettoit chose qui fust contraire à l'equité. Et certainement quand le peuple se trouue content

Caus. 1. q. 1. chap. fertur simoniaca heresis: & par toute la que. Deutero. 17. Cicero au 2. des offi. chap. 8. Caus. 23. q. 3. chapit. ab imperatorib. quest. 5. cha. Regi officiū. & c. administratores, & en la loy vni que, quando do impera. inter pupila. & viduam, au Code. Suetone en la vie d'Otho Silue. & e'vn autre Otho Baptis. Egnace li. 3.

HARANGVE DE

cie Dieu d'auoir vn tel Roy
 ou Empereur : au contraire,
 quand quelque malheur luy
 suruient, il remet la cause sur
 ses gouuerneurs & cuide que
 c'est par la faute de son Prince.
 Ainsi festimoyēt tres-heureux
 les fugets, souz le regne d'An-
 tonin, depuis apres sa mort,
 quand tant de malheurs leur
 suruindrent, ils referoyent la
 cause sur l'Empereur Commode,
 & veritablement le peuple
 quelquefois porte la penitence
 que Dieu luy baille pour le pe-
 ché de son Prince, & qu'ainsi
 soit, la famine n'auoit elle pas
 trois ans pour le peché de Saül?
 & l'ire de Dieu sur le peuple,
 pour le peché de Dauid? le peu-
 ple affligé, n'eust-il long temps

Herodiam.

2. Sam. 21.

2. Samu. 12.

24.

1. Paral. 21.

2. Paral. 28.

à souffrir pour son roy Achas ?
 Voila comme Dieu aduertist
 les rois à bien viure. Voila com
 me les Princes se doiuent pru
 demment gouuerner , & avec
 leurs sugets s'entretenir. C'est
 la Sulamite que Dauid ayma.
 C'est celle prudence qui faisoit
 craindre Salomon, c'est elle qui
 fait les Princes commander : &
 fait que les puissans sont obeïs
 en administrant iustice, sans la
 quelle l'on les appelle Tirans,
 & tout le peuple acourt sur eux
 comme firent les Siciliens con
 tre Denis le tirant, & les Agre
 gantins contre Phalaris , com
 me firent les Macedoniens, qui
 abandonnerent & delaisserent
 leur roy Demetrie, & Trasibule
 apres auoir banny les trête Ti-

*Salomon Ca
 tic. des cant.*

6. 7.

Prouer. 8. 9.

*Cicero au 2.
 des off. cha.*

4.

HARANGVE DE

*Valere li. 2.
& Flave vo
pisque en la
vie d'Aure
lian.*

*Prouerb. 11.
Parali. 23.
1. Reg. 1.*

*2. Paral. 19.
Deut. 1. 10.
& 16.
Exo. 23.
Leuiti. 19.
Roma. 2.*

rás de la republique d'Athenes,
introduit la loy Amnestie, c'est
à dire loy d'oubliace des maux
passés, et leur fist administrer la
iustice, qui est le vray moyē de
bien policier et administrer vn
royaulme, car sans iustice, sans
prudence et diligence des mini
stres du Prince, la republique
ne se peut iamais maintenir. ny
plus ne moins, que la nauire sur
la mer, estre conduire à bord
sans pillote. Les Rois se seruent
des ministres en la iustice: com
me ils ont accoustumé d'em
ployer les Capitaines aux regi
mēs de leur armee. et tout ain
si que l'on ne baille point tel
les charges, qu'à gens experi
mentés, doibt le Prince eslire

les hommes vertueux, capables, gens de bien, hommes veritables & haïssans auarice : qui ne se laissent corrompre par dons, qui ne preingnent aucun present : ains selon les ordonnances, & loix de Dieu, qui iugent iustement entre l'homme & son frere, & entre son estrangier : & sans auoir regard à personnes en iugement, qui entendent autant le petit comme le grand : brief le Roy doit esslire les personnes qui craignent Dieu, pour les prouoir des estats de iudicature, gratuitement. car autrement seroit vilainement acquerir par argent ce qui se doit obtenir par vertu, & le Roy mesmes peult estre la cause de la corruption

*Galac. 23.**Ephe. 6.**Coloss. 3.**Act. 10.**1. S. Pier. 2.**Eccle. 20. 29.**la loy De**ambitu aus**Digestes.**Deut. 1. 16.**Exo. 23.**Leuiti. 19.**Eccle. 42.**Prouer. 24.**29.**S. Iean. 7.**S. Ia. 2.**Cicero au**2. des offices.**chap. 3.*

HARANGVE DE

*Aristote au
7. des Polit.
chap. 14. 15.
& 29.
Platon en sa
repub.*

*Suetone au
35. chap. de
la vie d' Au-
guste.*

qui s'en pourroit faire, si leur
vêdoit leurs estats, pource qu'il
faut que celuy vède qui a ache-
té: ou qu'il se recompense, ia-
çoit que le Prince ne doit estre
plus rigoureux enuers aucun,
qu'à punir telles personnes, qui
gastent ce qui est bon & sainct,
c'est la iustice: au lieu de la con-
server, & bien administrer, &
n'y doit employer que le moins
qu'il pourra d'officiers: & les re-
duire à certain & necessaire nô-
bre, comme fist Auguste les Se-
nateurs qui auoyent creu de
cent, par sus mille ou douze cēs
dont le populace par mocque-
rie les nommoit auortons: car
la multitude cause tousiours
confusion, & comme vulgaire-
ment est dit, la multitude des
mede-

medecins, tuë pluſtoſt que ne guerist le malade. Les Romains au commencement de leur republicque, faisoient obeyr toutes les autres nations, mais depuis qu'ils introduirent si grand nombre d'officiers, biẽ tost elle fust reduitte à troubles & confusiõ. La republicque de Marseille fust lõg temps loüee & en admiration pour l'equité de sa iustice, mais depuis que le nombre des officiers creut iusques à six cens, ne fist que tomber à deçadence. Ce n'est que le dommage d'une republicque, d'auoir tant de Magistrats, qui viuent aux despens du publicq, & qui par longueur de proces nous destruisent, & engendrẽt infinies querelles. L'on viuroit

Strabon au
4. & Cicer.
au 2. des of-
fices. & en
l'oraison
pour. L. Flac
ce.

Aristote 7.
Politi. chap.
14. & 15.
Plutar. &
Suetone de
Galba. chap.
7. 9. 13.

HARANGVE DE
en plus grande tranquillité, &
la France seroit en plus grand
repos, & à vous Sire, plus grand
plaisir si vous dōniez le moyen
au gentil-homme d'y estre em-
ployé, comme estoit la volon-
té du tref-grand & admirable
Roy François vostre ayeul, d'au-
tant que les Nobles ont plus
en recommandation l'honneur
que leurs vies propres. Le reme-
de plus promptement aussi se
trouueroit par arbitres, & que
les loix de Dieu, & loix municipi-
pales en chacune ville fussent
bien gardees, & qu'il n'y eust
que peu de proces & d'accusa-
tions necessaires, & que tant de
faux accusateurs, opiniatres,
plaideurs, brouillons & vermi-
ne de palais fussent suiuant les

*La loy 1. &
2. aux Dige-
stes de recep.
arbit. Confin-
mes.*

*La loy ab ac-
cusatione, sur
la fin ad se-
natus. Tur-
p.*

loix punis. Ainsi la belle Astree
 nous r'ameineroit l'aage doré:
 ainsi le bon tēps reuiendrait en
 France. ainsi reuoirrions la trā-
 quillité desirée du regne de Phi-
 lippes le Bel, qui quād le Palais
 de Paris fut balti se logeoit lēās
 ne craignant d'estre importuné
 par les solliciteurs des proces:
 pource qu'il y en auoit biē peu.
 il faudroit aussi suivant vos or-
 dōnances que les confiscatiōs
 ne feussent donnees auant la cō-
 demnation. & celles des condā-
 nez soyent cōuerties à œuures
 pitoyables. C'est le vray moyen
 de rachapter la paix publicque.
 & cōcorde entre tous estats. ain-
 si nous & nostre posterité nous
 resenterions de vostre iustice &
 benignité. O bonté de Dieu!

*Annales de
 France.*

*Des opinia-
 tres plai-*

*deurs Iusti-
 nian Empe-*

*reur escriuit
 à Iulien la*

*loy properata
 dum, au Co-*

*de de Iudiciis
 & en ses in-*

*stitutions du
 droit civil*

*aux paragra-
 phes 14 et an-*

*tem, & hant
 aduouat.*

*& id que les
 maxime, vi.*

*16. liure 4.
 de pona te-
 mere litig.*

HARANGVE DE
ce seroit la lumiere éclairante à
toutes tes creatures ! ce seroit
le plaisir & profit que vos estats
Sire, nous doiuent apporter. Ce
sont les trois estats que Hippo-
dame Mille sien en sa republic-
que recherchoit. Ce sont les
trois estats que Diotime disoit
estre necessaire pour la conser-
uation des royaumes. Ce sont
les trois choses que les rois doi-
uent desirer, d'auoir la religion
c'est à dire la netteré de leurs
consciencés, la Noblesse pour
sa defence par les armes, & la
iustice pour la conseruation de
leurs sugets, tellement que si
ensemblément nous y employ-
ons chacun selon la vacation, à
laquelle Dieu l'a appellé, que
tous, ainsi que la trouffe de Sci-

*François pa-
trice de la re-
pub. & Vo-
laterran en sa
Filologie.
Aristo aux
Politiq. cha-
pit. 6.*

*Aristote au
2. des Poli-
tiq. chap. 7.
& Platarq.
parlant de
Numa &
Lycurge.*

lure bien garnie de flesches, for-
rifions ce corps de France, &
la verrons plus que iamais flo-
rissante, pourueu que par vostre
reiglement vous nous ostez les
causes des seditions. Les sedi-
tions qui ont destruiet toutes
les republicques, & ancanty les
royaumes, qui ont fait raser les
murailles des villes, que la fou-
dre mesme ne pouuoit acabler.

1. des Roys
12. & 2.
Chro. 11.

La paix & le repos publicq sont
les plus fortes murailles du mō-
de, sont les nerfs du Prince, c'est
l'animal immortel, entre les au-
tres prouinces & regions. Sire
vous estes le roy, qui pouuez
d'ores-en-auant rendre telle la
France, vous estes de Dieu or-
donné, pour seruir à vostre
peuple de pere & vray pasteur,

Prouerb. 29.
16. Eccle. 9.
Sages. 6.

Platon en la
repub. & au
dialogue civil
ou du regne.

HARANGVE DE

Homere parlant d'Agamemnon. Platon au. 1. de la republi. & au dialogue civil, ou du regne. 1. S. Pier. 2. Tite. 3.

Daniel. 45.

nous vous deuons obeissance & fidelité. Dieu nous a appelez & reseruez pour la defence de vostre prosperité, pour la tuition de vos pays, & augmentation de vostre Royaume ce que nous tous ensemble desirons. Et afin qu'ayons le moyen de vous secourir de nos forces & puissances, Sire il vous faut maintenir la Noblesse en ses priuileges, franchises & libertez, aussi anticques que l'institution des Rois, & qui ne peuuent par raison estre separees & desmembrees de leur estat & condition, sans que le Prince n'offence par trop soy-mesme, diminuë & affoiblisse la grandeur de sa maiesté, de laquelle la noblesse est la prin-

cipalle colonne. Plaise vous doncq Sire , de les nous continuer & maintenir vne si bonne & loüable occasion.


F I N.


EXTRAIT DV PRIVILEGE.

IL est permis à François Tabert, Libraire, demourant en ceste ville de Paris, de faire imprimer & mettre en vente vn petit liure intitulé. *La Harangue faite par toute la noblesse de France, au Roy Treschrestien Charles neufiesme, sur l'estat de ce Royaume* & est defendu à tous autres Imprimeurs & Libraires de ceste ville de n'imprimer vendre ne distribuer dudit liure, sinon de ceux que ledit Tabert auroit fait imprimer, sur peine de confiscation & d'amende : comme plus à plain est contenu en la permission donnee le xxv. iour de May 1574. signee,


SEGVIER.

DE VILLEMONTÉE.









1816087

